

ব্যাংকিং প্রবিধি ও নীতি বিভাগ  
বাংলাদেশ ব্যাংক  
প্রধান কার্যালয়  
ঢাকা।

বিআরপিডি সাকুলার লেটার নং- ৩

ফেব্রুয়ারী ২৩, ২০১০  
তারিখ : -----  
ফাল্গুন ১১, ১৪১৬

ব্যবস্থাপনা পরিচালক/প্রধান নির্বাহী  
বাংলাদেশে কার্যরত সকল তফসিলী ব্যাংক

প্রিয় মহোদয়,

ধান, চাল ব্যবসায়ী ও চাতাল/মিল মালিকদের  
ঋণের পরিশোধ সময়সীমা পুনঃনির্ধারণ প্রসঙ্গে।

শিরোনামোক্ত বিষয়ে বিআরপিডি সাকুলার লেটার নং-০৭, তারিখ-মে ১২, ২০০৮ এর প্রতি দৃষ্টি আকর্ষণ করা যাচ্ছে।

এ প্রসঙ্গে উল্লেখ্য যে, চালের উর্ধ্বমূল্য বিবেচনায় বাজারে চালের সরবরাহ নিশ্চিত করার লক্ষ্যে উক্ত সাকুলার লেটারের মাধ্যমে স্থানীয় মিল মালিকগণ কর্তৃক ধান ক্রয়ের ক্ষেত্রে প্রদেয় ঋণের পরিশোধ সময়সীমা সর্বোচ্চ ০৩(তিন) মাস অর্থাৎ ৯০ (নব্বই) দিন নির্ধারণ করে দেয়া হয়। কিন্তু লক্ষ্য করা যাচ্ছে যে, বেশ কিছু ব্যাংক কর্তৃক এ নির্দেশনা পরিপালিত হচ্ছে না যা বাঞ্ছনীয় নয়।

বিষয়টি পর্যালোচনাপূর্বক বাজারে চালের সরবরাহ নিশ্চিতকরণ ও উর্ধ্বমূল্য রোধকল্পে নিম্নবর্ণিত সিদ্ধান্ত গৃহীত হয়েছেঃ

(ক) Pledge এবং Hypothecation এর বিপরীতে রিভলভিং সিসি/ওডি ঋণের ক্ষেত্রে স্থানীয় মিল মালিকগণ কর্তৃক ধান ক্রয়/অগ্রিম গ্রহণের তারিখ থেকে সর্বোচ্চ ০২ (দুই) মাস অর্থাৎ ৬০ (ষাট) দিনের মধ্যে গৃহীত অগ্রিমের অর্থ আবশ্যিকভাবে পরিশোধ/সমন্বয় করতে হবে।

(খ) ধান, চাল ব্যবসায়ীদেরকে Pledge এবং Hypothecation এর বিপরীতে রিভলভিং সিসি/ওডি ঋণের ক্ষেত্রে ঋণ গ্রহণের তারিখ হতে সর্বোচ্চ ৪৫ দিন অন্তর গৃহীত অগ্রিম/ঋণ আবশ্যিকভাবে পরিশোধ/সমন্বয় করতে হবে।

ইতোপূর্বে মঞ্জুরীকৃত/বিতরণকৃত ঋণের ক্ষেত্রেও এ নির্দেশনা কার্যকর হবে। সূত্রোক্ত সাকুলার লেটারে বর্ণিত অন্যান্য সকল নির্দেশনা অপরিবর্তিত থাকবে।

এ নির্দেশনা যথাযথভাবে পরিপালন নিশ্চিত করতঃ অত্র বিভাগকে অবহিত করার জন্য পরামর্শ প্রদান করা হলো।

অনুগ্রহপূর্বক প্রাপ্তি স্বীকার করবেন।

আপনাদের বিশ্বস্ত,

স্বা/-  
(মোঃ সোহরাওয়ার্দী)  
মহাব্যবস্থাপক  
ফোন: ৭১১৭৮২৫